



Napaartoq Isak Petrussen
Inatsisartunut ilaasortaq, Demokraatit
Inatsisartut@inatsisartut.gl

**Inuussutissarsiutinik siuarsaanissamut Naalakkersuisut periusissiassa
pillugu § 37 naapertorlugu apeqqummut akissut**

24-11-2025
Sagsnr. 2025 - 23968

P. O. box 1601
3900 Nuuk
Tel. (+299) 34 50 00
E-mail: isiin@nanoq.gl
www.naalakkersuisut.gl

Asasara Napaartoq Isak Petrussen,

Inatsisartut suleriaasianni § 37 naapertorlugu inuussutissarsiutinik
siuarsaanissamut periusissiassa pillugu Naalakkersuisunut
apeqquteqaateqarputit. Apeqqutitit tulluuttumi ataatsimoortillugit akineqassapput.

Inuussutissarsiutinik siuarsaanissamut periusissiassa, Inatsisartut
UKA2025/106-imi oqaluuserinninnerinut atatillugu taaneqartoq Naalakkersuisut
sulialalugu aallartereerpaat.

Periusissiassap suliarineqarnerani siammasissumik peqataatitsisoqarpoq.
Qanitarisaanni inoqarfinnit qarasaasiatigut peqataasoqarluni Qaqortumi,
Aasianni, Ilulissani, Sisimiuni aamma Nuummi aallarnisaaneq pillugu
workshoptitsinerit, aallarnisaaniat ulluinnarni unammillernartittagaannik
nalituunik paasisimasaqalersitsipput. Taakkua saniatigut kommunini tamani
kommunalbestyrelsit ataatsimeeqatigineqassapput, nunamilu tamarmi
aallarnisaasut oqaloqatigineqassallutik.

Suliaq tunuliaqutigalugu qitiusumik ukkataqarfissat, periusissiassamut
tunngavissiigallartussat pingasut toqqarneqarput. Ukkataqarfiit tamarmik
suliniutinik piviusunik, siuariartornissamik aamma pingaarnertut anguniakkat
naammassineqarnissaannik qulakkeerisussanik tunngavissinneqassapput:

- **Aallarnisaasunut atugassarititaasunut sinaakkusiussat
pitsaannerusut**, matumani aallarnisaasunut atugassarititanut
pitsaannerusumik aqqutissaqarneq, nunaminertanik
inuussutissarsiorfiusunik neqeroorneruneq kiisalu arnanut,
pinngorartitsilerinermi inuussutissarsiutinut, inuusuttunullu

aallarnisaasunut periarfissat annertusarneqarnissaannut immikkut ukkataqarneq ilanngullugit.

- **Aningaasassaqaarnissamut periarfissaqaqarneruneq**, ilaatigut aningaasalersuinissamut sakkussat annertusarneqarnerisigut, aningaasaqaqarnermillu ingerlatsisut qanimut suleqatiginerisigut.
- **Inuussutissarsiutinik siuarsaanissamik sulinermik pitsaanerulersitsineq**, matumani oqartussat, kommunit, Inuussutissarsiornermut Siunnersuisoqatigiit, inuussutissarsiutillillu akornanni pitsaanagerusumik, ataqatigiissaarnerusumillu attaveqarneq kiisalu siunnersorneqarnissamut, ilitersorneqarnissamullu periarfissagissaarneruneq ilanngullugit.

Nuna tamakkerlugu periusissiassami kommunit, nunallu immikkoortortai tamarmik pineqassapput, kisiannili UKA2025/106-imut Inatsisartut aalajangiinerat malillugu najukkami inuussutissarsiutinik ineriartortitsinissaq tunngavissikkumallugu, sumiiffiit ineriartortinneqarsimanngitsut imaluunniit ingerlanerliortut immikkut ukkatarineqassallutik. Kommunini, najukkamilu ingerlatsisut suleqatigalugit najukkami suliniutit ingerlanneqassapput.

Periusissiassaq 2026-mi ukiup affaata siulliata ingerlanerani nammassissangatinneqarlunilu tamanut saqqummiunneqassangatinneqarpoq, taassumallu kingorna atortuulersitsineq aallartinneqarsinnaassalluni. Ersarissunik anguniagaqaqarnikkut, malittarinninnikkullu atajuartitsinissap, siuariartortitsinissallu qulakkeerneqarnissaat pingaartinneqarpoq. Periusissiassaq tamanut saqqummiunneqartinnagu tusarniutigineqassaaq.

Inussiarnersumik inuulluaqqusillunga



Naaja H. Nathanielsen

Inuussutissarsiornermut, Aatsitassanut, Nukissiutinut, Inatsisit
Atuutsinneqarnerannut Naligiissitaanermullu Naalakkersuisoq